

հ.1982583
13-05-2026թ.
Նախընտրած ծանուցման ձևը՝
Էլ.փոստի միջոցով

Հասցեատեր՝ ՀՀ կենտրոնական ընտրական
հանձնաժողով

Դիմող՝ ԵՐԻՏԱՍԱՐԴԱԿԱՆ ԱԿՈՒՄՔՆԵՐԻ
ԴԱՇՆՈՒԹՅՈՒՆ ՀԿ
Հասցե՝ ԵՐԵՎԱՆ, , ՄԱԼԱԹԻԱ-ՍԵՐԱՍՏԻԱ,
ՄՈՒՇ ԹՂՄ., 90,
sonahambardzum.arm@gmail.com : 37444343940

ԴԻՄՈՒՄ

Հարգելի՛ Վ. Հովակիմյան,

Սույնով ցանկանում եմք Ձեր ուշադրությունը հրավիրել «Իրազեկ քաղաքացիների միավորում» հասարակական կազմակերպության կողմից ընտրական գործընթացում «Անկախ դիտորդ» հասարակական դաշինքի կազմում դիտորդական առաքելություն իրականացնելու համապատասխանության հարցին՝ Ընտրական օրենսգրքով սահմանված պահանջների տեսանկյունից:

Ընտրական օրենսգրքի 30-րդ հոդվածով սահմանվում է դիտորդների կարգավիճակը և նրանց գրանցման հիմքերը, իսկ 31-րդ հոդվածով՝ դիտորդների իրավունքներն ու պարտականությունները: Վերջինիս տրամաբանությունից բխում է, որ դիտորդները պարտավոր են իրենց գործունեությունն իրականացնել այնպես, որ չխոչընդոտեն ընտրական գործընթացը և չազդեն դրա մասնակիցների վրա, ինչը ենթադրում է նաև չեզոքության և անկողմնակալության պահպանում:

Սակայն առկա են մի շարք հանգամանքներ, որոնք կարող են առաջացնել ողջամիտ կասկածներ նշված կազմակերպության կողմից այդ սկզբունքների լիարժեք պահպանման վերաբերյալ:

Նախ, «Իրազեկ քաղաքացիների միավորում» ՀԿ-ի ներկայացուցիչ Դանիել Իոաննիսյանը (ինչպես նաև «Անկախ դիտորդ» հասարակական դաշինքի մեկ այլ ներկայացուցիչ) ներգրավված է Սահմանադրական բարեփոխումների հանձնաժողովի կազմում, որը ձևավորվել է գործադիր իշխանության ղեկավարի՝ վարչապետի որոշմամբ: Հաշվի առնելով, որ վերջինս գլխավորում է ընտրություններին մասնակցող քաղաքական ուժերից մեկի ընտրական ցուցակը, ապա տվյալ հանգամանքը կարող է շահերի բախման և անկողմնակալության վերաբերյալ ողջամիտ կասկած հարուցել:

Երկրորդ, կազմակերպությունը հանդես է եկել հրապարակային **քաղաքական դիրքորոշումներով**՝ միանալով հասարակական կազմակերպությունների

[հայտարարությանը \(Հղում 1\)](#), որը պարունակում է պետական կառավարման համակարգի վերաբերյալ քաղաքական գնահատականներ և պահանջներ: Սա վկայում է, որ կազմակերպությունը ներգրավված է հանրային քաղաքական օրակարգի ձևավորման գործընթացում:

Ավելին, նշված հայտարարության մեջ տեղ գտած «20 տարվա իշխանության գավթման» վերաբերյալ գնահատականը վերաբերում է նաև այն ժամանակահատվածին, երբ Հայաստանի Հանրապետության նախագահ է եղել Ռոբերտ Քոչարյանը, ով ընթացիկ ընտրական գործընթացի մասնակից է և ղեկավարում է մեկ այլ քաղաքական ուժի ընտրական ցուցակ: Այս հանգամանքը կարող է առաջացնել ողջամիտ կասկած կազմակերպության կողմից առանձին ընտրական սուբյեկտների նկատմամբ կանխակալ վերաբերմունքի վերաբերյալ:

Մայիսի 4-ին Դանիել Իոաննիսյանն Ֆեյսբուքի էջում երկու գրառում է արել Կ.Դեմիրճյանի անվան մարզահամերգային համալիրի մոտ Եվրոպական համայնքի գազաթնաժողովի առիթով տեղի ունեցող ցույց մասին՝ գրելով.

1. «300 հոգին մի քանի հազար մարդու շուխուռ են հանում, մի 20 հազար մարդու չափ էլ հիստերիա»: (Հղում 2)

2. «Այսօրվա միջոցառումը զուգորդվում էր ռուսաստանյան ծագման ստերի, մանիպուլացիաների, ԱԲ-գեներացրած ֆեյքերի, ինչպես նաև տրոլերի կազմակերպված խմբերի գործողություններով...» (Հղում 3)

Հաշվի առնելով գրառման բացասական երանգը և այն, որ ցույցին մասնակցում էր նաև Արման Թաթոյանի գլխավորած «Միասնության թևեր»-ը, սա ընտրական օրենսգրքի 30-րդ հոդվածի առերևույթ խախտում է:

Վերոգրյալ հանգամանքների համակցությամբ առաջանում են հիմնավոր հարցադրումներ «Իրազեկ քաղաքացիների միավորում» ՀԿ-ի կողմից ընտրական գործընթացում անկախ և անկողմնակալ դիտորդական առաքելություն իրականացնելու հնարավորության վերաբերյալ:

Հաշվի առնելով վերոգրյալը և առաջնորդվելով Ընտրական օրենսգրքի 30-րդ և 31-րդ հոդվածների պահանջներով՝ խնդրում ենք

1. Գնահատել նշված կազմակերպության համապատասխանությունը դիտորդական գործունեության համար անհրաժեշտ չեզոքության և անկողմնակալության չափանիշներին:

2. Քննարկել լրացուցիչ երաշխիքների կամ սահմանափակումների կիրառման հարցը:

Հղում 1

https://a1plus.am/hy/article/360568?fbclid=IwY2xjawRkB6lleHRuA2FlbQlXMQBicmlkETF6ZDV6QUNNekswN2Rqbmlrc3J0YwZhcHBfaWQOMjlyMDM5MTc4ODIwMDg5MgABHiQdjTvY_Z9y2VUgqGUaNqE4peX8cN-abguK-z2YYKX5ynBdm_vGLQ2HxGHTk_aem_j2v80UffotA3aDhVuj4Piw

Հղում 2

<https://www.facebook.com/share/p/17QgosWMNC/?mibextid=wwXlfr>

Հղում 3

<https://www.facebook.com/share/p/1E83sBaaX1/?mibextid=wwXlfr>


«Երիտասարդական ակումբների դաշնություն» ՀԿ
դիտորդական առաքելության ղեկավար Ս.Համբարձումյան

Կից՝ 2 ֆայլ

Դիմող՝

ՍՈՆՅԱ ՀԱՄԲԱՐՁՈՒՄՅԱՆ

< Daniel Ioannisyan



Daniel Ioannisyan

14h · 🌐

Այսօրվա միջոցառումը զուգորդվում էր ուսաստանյան ծագման ստերի, մանիպուլացիաների, ԱԲ-գեներացրած ֆեյքերի, ինչպես նաև տրոլերի կազմակերպված խմբերի գործողություններով:

Այս առումով շատ կարևոր է փաստեր ստուգողների գործողությունները, որոնք բացառապես փաստահեն ու ապացուցման բարձր նշանողով են անրադառնում այդ ստերին:

Որոշ նյութեր կդնեմ մեկնաբանություններում:

👍 221

4 comments 9 shares



Daniel Ioannisyan

20h · 🌐

300 հոգին մի քանի հազար մարդու շուխտու են հանում, մի 20 հազար մարդու չափ էլ հիստերիա



Իրազեկ քաղաքացիների միավորում - ...

20h · 🌐

👤 Այսօր՝ մայիսի 4-ին, Մարզահամերգային համալիրի հարակից տարածքում տեղի է ունեցել բողոքի ակցիա:... See more



👍 😄 Alvard Zakaryan + 234 9 comments 14 shares